




Discurrer cun giuvenils davart il fimar



Rätoromanisch



► Discurrer cun giuvenils davart il fimar

Ils davos onns è il dumber da las scolaras e dals scolars che fiman puspè sa reducì clera-main. Bain emprovan blers giuvenils ina u duas giadas ina cigarette per mirveglias. Els sentan alura che quella na gusta insumma betg e laschan per il solit star da fimar. Ils giuvenils che envidan dentant er ina quarta e tschintgavla cigarette, ristgan da cumentzar a fimar regularmain.

Ina tenuta consequenta dals geniturs per ina vita senza fim po esser decisiva. Igl è cumprovà che uffants e giuvenils cumentzan main savens a fimar, sch'ils geniturs refusan il fimar cler e net.

Fimais Vus sez?

En quest cas pudais Vus tuttina As exprimer visavi Vossa figlia u Voss figl cunter il fimar. Per l'uffant è quai chapaivel, el vesa gea nua ch'ina dependenza po manar. Vossa tenuta è anc pli vardaivla, sche Vus procurais che l'abitaziun restia libra da fim e che propri ni Vus ni insatgi auter n'envidia là ina cigarette.

► Co discurrer cun giuvenils?

Esser attent

Tadlai simplamain tge che Voss uffant raquinta. Alura sentis Vus tge che Voss figl u Vossa figlia pensa dal fimar e Vus pudais tut tenor reagir.

Offrir sustegn

Sustegnai Voss uffant, sch'el sa senta malsegir. Ils giuvenils han savens difficultads da dir «NA» ad amias ed amis che fiman. Declerai a Voss uffant, quant impurtant che sia independenza dal nicotin è per Vus.

Infurmàr a moda objectiva

Essas Vus sez avunda infurmà davart l'effect drogant dal nicotin ed ils donns ch'il nicotin fa al corp? Alura pudais Vus argumentar Vossa tenuta cun fatgs senza dramatisar. Vus chattais ulteriuras infurmaziuns sin la pagina-web www.at-schweiz.ch.

Metter en discussiun ils motivs da fimar

Ils giuvenils da 13 u 14 onns s'interessan savens strusch per las ristgas da survegnir pli tard cancer u in disturbì dal cor pervi dal fimar. Declerai perquai ils avantatgs ch'ins ha cun betg fimar ed ils dischvantatgs cun fimar:

- Tgi che sa dir «NA», vegn savens era respectà dals camarats tuttina vegls.
- Tgi che fima, spizza da fim or da bucca e vi da la vestgadira ed ils chavels. La savur da fim è disgustusa.
- Tgi che fa sport e fima è pli pauc fit. Tant en il trenament sco era durant concurrenzas perd'ins pli spert il flad.
- Tgi che fima regularmain, dat ora blers daners. Tge po Voss uffant sa lubir empè da las cigaretas?

- Tgi che fima, vegn la finala manipulà da l'industria da tubac. Per augmentar las fatschenetas malegian ils fabricants da cigaretas maletgs en rosa e bagatelliseschan las varts negativas dal fimar.

Tge n'è betg adattà?

- Predis e lungs referats han savens in effect contrari.
- Sche Vus scumandais simplamain da fimar, promovais Vus l'attractivitat dal fimar sco in segn da rebelliun cunter ils creschids. Sche Vus infurmaiis a moda objectiva, cuntaschais Vus dapli che cun simplamain scumandar.

► Fatgs

Pertge fiman giuvenils da 15 onns?

Ils mats e les mattas inditgeschan motivs differents per lur consum da tubac.

- Scolars fiman, cura ch'ellas èn deprimidas u irritadas u per far buna luna. Ellas dovràn pia las cigaretas per mitigiar nauschs sentiments.
- Scolars fiman plitgunsch, perquai ch'els han gust u plaschair da fimar. Els emprovan damai da rinforzar lur sentiments positivs cun la cigarette.

Percunter din mintgamai bunamain in terz da las mattas e dals mats da 15 onns che fiman ch'els na sajan betg buns da chalar da fimar. Ils giuvenils sutstiman savens ils sforzs ch'í dovrà per puspè sa deliberar da la dependenza dal nicotin.

Il nicotin fa vegnir dependent

Il mecanissem da dependenza dal nicotin pocumenzar già suenter l'emprova da quatter u tschintg cigaretas. Giuvenils daventan pli spert dependents che creschids. Il nicotin sveglia sentiments positivs en il tscharvè: ina megla concentrazion e schluccada, ma er in ferm sentiment da ventira. Cura ch'il nicotin sa reducescha, s'annunzia il desideri da nicotin. Sche quel na vegn betg satisfatg, sa mussan prest sintoms da dischintoxicaziun: difficultads da sa concentrar u nauscha luna e temas depressivas.

Il fim da tubac fa donn a la sanadad

Il fim da tubac depona «merdas» quasi en l'entir corp, da la bucca sur il lom ed il cor fin en ils organs da secreziun.

Ils donns da la sanadad tras il consum da tubac sa fan valair già tar uffants e giuvenils:

- Fimar reducescha la funcziun dal lom.
- Fimar retardescha la creschientscha dal lom. Quest donn resta per l'entira vita ed aumenta la ristga da survegnir ina malsogna dal lom cronic-obstructiva.
- Fimar chaschuna difficultads cun il flad che pon avair per consequenza asma.
- Fimar donnegescha il cor e la circulaziun d'uffants e giuvenils, uschia ch'els pon già sco giuvens creschids survegnir ina sclerosa da l'aorta en il venter.

La gronda part viva senza fimar

Ils giuvenils èn savens da l'idea ch'na gronda part dals giuvenils da lur vegliadetgna fimia era. En vardad èn ils nunfimaders e las nunfimadras da tuttas vegliadetgnas en la maioritat.

Il 2014 fimavan almain ina giada l'emma

- 2,3 pertschient da las scolaras e dals scolars da 13 onns e
- var 12 pertschient dals mats e 9 pertschient da las mattas da 15 onns.

E-cigaretta

En Svizra pon ins cumprar sulettamain e-cigarettes senza nicotin. Perquai che n'èn anc avant maun nagins resultats da studis a lung temp, na pon ins betg giuditgar quant nuschaivlas che e-cigarettes èn. Sche giuvenils emprovan e-cigarettes, emprendan els il ritual da firmar. Els experimente-schan eventualmain era cun cigaretta da tubac e pon daventar fimadras e fimaders en consequenza dal grond effect da dependenza dal nicotin.

► Lingia stop tubac 0848 189 189



Fimadras e fimaders pon telefonar a la Lingia stop tubac e chattar la metoda da chalar da firmar ch'è adattada il meglier per els personalmain. Las cussegliadoras ed ils cussegliaders scolads spezialmain da la Lingia stop tubac naziunala enconuschan fitg bain las differentas metodas da sdisada cumprovadas scientificamain. Las fimadras ed ils fimaders han plinavant la pussaviladat da sa laschar accumpagnar cun plirs telefons durant ch'els chalan da firmar. Per cussegliaziuns per **tudestg, franzos e talian** pon ins telefonar da glindesdi fin venderdi da las 11.00 fin

las 19.00 a la Lingia stop tubac 0848 000 181 (8 raps per minuta en la rait fixa). Per ulteriuras linguis datti mintgamai in agen numer da telefon:

0848 183 183 albanais

0848 184 184 portugais

0848 189 189 rumantsch

0848 185 185 spagnol

0848 186 186 serb/croat/bosniac

0848 187 187 tirc

In spezialist u ina spezialista da la Lingia stop tubac respunda entaifer 48 uras a las fimadras ed als fimaders che han telefonà ad in da quests numers.